

Agenda – Y Pwyllgor Newid Hinsawdd, Amgylchedd a Materion Gwledig

Lleoliad: I gael rhagor o wybodaeth cysylltwch a:
Ystafell Bwyllgora 3 – Y Senedd Marc Wyn Jones
Dyddiad: Dydd Iau, 10 Ionawr 2019 Clerc y Pwyllgor
Amser: 09.30 0300 200 6363
SeneddNHAMG@cynulliad.cymru

1 Cyflwyniad, ymddiheuriadau, dirprwyon a datgan buddiannau
(09.30)

2 Sesiwn graffu gyffredinol gyda Chomisiynydd Cenedlaethau'r Dyfodol Cymru
(09.30 – 10.30) (Tudalennau 1 – 12)

Sophie Howe, Comisiynydd Cenedlaethau'r Dyfodol Cymru

Marie Brousseau-Navarro, Cyfarwyddwr Polisi, Deddfwriaeth ac Arloesedd,
Swyddfa Comisiynydd Cenedlaethau'r Dyfodol Cymru

Dogfennau atodol:

Briff Ymchwil

3 Papurau i'w nodi
(10.30)

Dogfennau atodol:

3.1 Gohebiaeth oddi wrth y Llywydd at y Prif Weinidog ynghylch deddfu ar gyfer Brexit

(Tudalennau 13 – 14)

Dogfennau atodol:

Gohebiaeth oddi wrth y Llywydd – 4 Rhagfyr 2018



3.2 Gohebiaeth at y Cadeirydd gan Gadeirydd y Pwyllgor Materion Allanol a Deddfwriaeth Ychwanegol ynghylch cyhoeddi ei adroddiad: Paratoi ar gyfer Brexit – Adrodd ar barodrwydd y sector bwyd a diod yng Nghymru

(Tudalen 15)

Dogfennau atodol:

Gohebiaeth at y Cadeirydd – 17 Rhagfyr 2018

3.3 Gohebiaeth at y Cadeirydd gan Weinidog yr Amgylchedd, Ynni a Materion Gwledig ynghylch Fframwaith Rheoli Rhwydwaith Ardaloedd Morol Gwarchoddedig Cymru 2018–2023 a Chynllun Gweithredu 2018–2019

(Tudalennau 16 – 17)

Dogfennau atodol:

Gohebiaeth at y Cadeirydd – 19 Rhagfyr 2018

4 Cynnig o dan Reol Sefydlog 17.42 (vi) i benderfynu gwahardd y cyhoedd o eitemau 5, 6 a 7 o gyfarfod heddiw

(10.30)

5 Sesiwn graffu gyffredinol gyda Chomisiynydd Cenedlaethau'r Dyfodol Cymru: trafod y dystiolaeth

(10.30–10.45)

6 Blaenraglen Waith

(10.45–11.00)

(Tudalennau 18 – 22)

Dogfennau atodol:

Blaenraglen Waith (Saesneg yn unig)

7 Llwybr datgarboneiddio: trafod y llythyr drafft

(11.00–11.15)

Mae cyfyngiadau ar y ddogfen hon



Elin Jones AC, Llywydd

Cynulliad Cenedlaethol Cymru

Elin Jones AM, Presiding Officer

National Assembly for Wales

Eitem 3.1

Y Gwir Anrh Carwyn Jones AC
Prif Weinidog Cymru
Llywodraeth Cymru
Bae Caerdydd
CF99 1NA

Eich cyf:
Ein cyf: EJ/CE

4 Rhagfyr 2018

Annwyl Carwyn

Yng nghyfarfod Fforwm y Cadeiryddion ar 28 Tachwedd 2018 trafodwyd rôl y Cynulliad a'i bwyllgorau wrth graffu ar ddeddfwriaeth sy'n ymwneud â Brexit. Mynegodd y Cadeiryddion bryder sydd ganddynt ynghylch rôl y Cynulliad yn y broses o ddeddfu ar gyfer Brexit.

Dywedodd y Cadeiryddion fod Llywodraeth Cymru wedi ceisio pwerau dirprwyedig i Weinidogion Cymru yn nifer o Filiau'r DU sy'n ymwneud â Brexit, yn hytrach na chyflwyno ei Biliau ei hun i'r Cynulliad graffu arnynt. O ran yr is-ddeddfwriaeth sydd ei hangen i gywiro'r llyfr statud cyn ymadael â'r Undeb Ewropeaidd, deallaf eich bod wedi cytuno i gyfran sylweddol o'r ddeddfwriaeth hon gael ei gwneud gan Weinidogion y DU, gan ddefnyddio pwerau cydredol ar ran Gweinidogion Cymru.

Er fy mod i, a Fforwm y Cadeiryddion, yn deall eich bod wedi gwneud y penderfyniadau hyn ar sail effeithlonrwydd i'r llywodraethau sy'n rhan o'r broses, y pryder a fynegwyd gan y Cadeiryddion yw bod hyn yn dod ar draul rôl y Cynulliad ac felly gallu'r Aelodau i gynrychioli buddiannau pobl Cymru yn effeithiol yn y broses o ddeddfu ar gyfer Brexit.

Wrth gynrychioli'r safbwyntiau a fynegwyd imi gan y Cadeiryddion, a chan weithredu er budd sefyllfa'r Cynulliad ym mhroses Brexit, rwy'n pryderu mai effaith gronol y penderfyniadau hyn gan Lywodraeth Cymru yw anwybyddu rôl y Cynulliad yn anfwriadol.

Croesewir gohebiaeth yn Gymraeg neu Saesneg / We welcome correspondence in Welsh or English

Cynulliad Cenedlaethol Cymru

Bae Caerdydd, Caerdydd, CF99 1NA

Llywydd@cynulliad.cymru

www.cynulliad.cymru

0300 200 7403

National Assembly for Wales

Cardiff Bay, Cardiff, CF99 1NA

Llywydd@assembly.wales

www.assembly.wales

0300 200 7403

Tudalen y pecyn 13



Elin Jones AC, Llywydd

Cynulliad Cenedlaethol Cymru

Elin Jones AM, Presiding Officer

National Assembly for Wales

Rwy'n siŵr y byddech yn cytuno bod craffu ar ddeddfwriaeth sy'n dod o fewn cymhwysedd y Cynulliad neu Weinidogion Cymru, yn enwedig mewn perthynas â meysydd polisi pwysig sy'n effeithio ar ddinasyddion, yn elwa o waith craffu llawer mwy penodol i Gymru pan gaiff ei hystyried gan y Cynulliad.

Nid yw'r cyfle cyfyngedig ar gyfer gwaith craffu a gynigir gan gonfensiynau cydsyniad deddfwriaethol a gweithdrefnau cysylltiedig yn cyd-fynd â phrosesau craffu deddfwriaethol llawn y Cynulliad.

At hynny, mae gwaith craffu deddfwriaethol gan y Cynulliad yn cynnig proses fwy hygyrch a thryloyw i randdeiliaid Cymru a'r cyhoedd, yn ogystal â sicrhau bod y gyfraith yn cael ei gwneud yn ein dwy iaith swyddogol.

Yn union fel yr ydych wedi ymdrechu i sicrhau rôl i Lywodraeth Cymru ym mhroses Brexit, rhaid imi sicrhau bod y Cynulliad, a'i Aelodau, yn gallu chwarae'r rôl llawn y cawsant eu hethol i'w chyflawni.

Rwy'n deall bod pwyllgorau'r Cynulliad yn bwriadu ymgymryd â gwaith pellach yn y maes hwn ac rwy'n siŵr y byddant yn parhau i godi materion gyda chi a Gweinidogion Cymru.

Yn y cyfamser, gofynnaf ichi ystyried y pryderon a fynegwyd a byddwn yn ddiolchgar am eich sylwadau ar sut y gallech sicrhau bod Llywodraeth Cymru yn gwneud popeth o fewn ei gallu i alluogi'r Cynulliad i chwarae ei ran llawn wrth ddeddfu ar gyfer Brexit.

Rwyf wedi anfon copi o'r llythyr hwn at Gadeiryddion pwyllgorau'r Cynulliad, Arweinydd y Tŷ, ac Ysgrifennydd y Cabinet dros Gyllid (yn sgil ei rôl ym mhroses Brexit).

Yn gywir

Elin Jones AC
Llywydd

Mike Hedges AC
Cadeirydd y Pwyllgor Newid Hinsawdd, Amgylchedd a
Materion Gwledig

17 Rhagfyr 2018


Annwyl Mike,

**Paratoi ar gyfer Brexit – Adroddiad ar ba mor barod yw'r sector bwyd a diod yng
Nghymru**

Dros y tymor diwethaf mae'r Pwyllgor Materion Allanol a Deddfwriaeth
Ychwanegol wedi ystyried materion yn ymwneud â sut y mae gwahanol sectorau
wedi bod yn paratoi ar gyfer Brexit.

Yn benodol, hoffwn dynnu eich sylw at ein hadroddiad ar barodrwydd y sector
bwyd a diod yng Nghymru, a gyhoeddwyd ar 10 Rhagfyr 2018.

Yn gywir,



David Rees AC

Cadeirydd y Pwyllgor Materion Allanol a Deddfwriaeth Ychwanegol

Croesewir gohebiaeth yn Gymraeg neu Saesneg.

We welcome correspondence in Welsh or English.





Llywodraeth Cymru
Welsh Government

Ein cyf: MA/P/LG/3880/18

Mike Hedges AC

Cadeirydd

Y Pwyllgor Newid Hinsawdd, Amgylchedd a Materion Gwledig

19 Rhagfyr 2018

Annwyl Mike

Fframwaith Rheoli Rhwydwaith Ardaloedd Morol Gwarchoddedig Cymru 2018-2023 a Chynllun Gweithredu 2018-2019

Yn dilyn fy llythyr dyddiedig 6 Medi 2018 yn amgáu copi o Fframwaith Rheoli Rhwydwaith Ardaloedd Gwarchoddedig Morol Cymru 2018-2023 a Chynllun Gweithredu 2018-2019, fe'm hysbyswyd am fân gywiriadau i'r ddwy ddogfen.

Diwygiwyd y Fframwaith i adlewyrchu'r ffaith bod 139 o Ardaloedd Morol Gwarchoddedig yn nyfroedd Cymru yn hytrach na'r 140 a nodwyd yn wreiddiol. Mae'r Fframwaith yn rhestru Cors Fochno a Dyfi fel safle Ramsar. Mae cyngor blaenorol yn awgrymu bod hon yn gymwys i'w galw'n safle morol oherwydd presenoldeb y pibydd coeswyrdd, a ystyrir yn aderyn morol. Fodd bynnag, ers hynny mae Cyfoeth Naturiol Cymru wedi egluro mai daearol yw unig nodweddion cyfreithiol y safle:

- Cyforgorsydd gweithredol;
- Cyforgorsydd a ddiraddiwyd sydd â'r gallu i adfywio'n naturiol;
- Pantiau yn swbstradau mawn y Rhynchosporion.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1NA

Gohebiaeth.Lesley.Griffiths@llyw.cymru
Correspondence.Lesley.Griffiths@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

Fe'm cynghorwyd hefyd gan Cyfoeth Naturiol Cymru mai erbyn mis Mawrth 2020, ac nid Ebrill 2019 fel y nodwyd yn flaenorol, y disgwylir i'r Datganiadau Ardaloedd gael eu datblygu. Bydd hyn yn caniatáu digon o amser i'r Datganiadau Ardaloedd adlewyrchu a mynd i'r afael â'r blaenoriaethau a'r heriau fel nodwyd ym Mholisi Cyfoeth Naturiol Cymru, a chymhwyso egwyddorion Rheoli Adnoddau Naturiol yn Gynaliadwy wrth eu datblygu.

Rwy'n amgáu fersiwn diwygiedig o'r Fframwaith a'r Cynllun Gweithredu i'w dosbarthu i aelodau'r Pwyllgor.

Cofion

A handwritten signature in black ink that reads "Lesley Griffiths". The signature is written in a cursive, flowing style.

Lesley Griffiths AC/AM

Gweinidog yr Amgylchedd, Ynni a Materion Gwledig
Minister for Environment, Energy and Rural Affairs

Eitem 6

Yn rhinwedd paragraff(au) vi o Reol Sefydlog 17.42

Mae cyfyngiadau ar y ddogfen hon